


王蒼谷集

齋





原件短缺

卷10-11

蒼谷集錄卷之十二

文類

傳狀

侍御唐公傳

公諱相字希愷姓唐氏其先本汴人宋南移家新安
代顯清華鬱為歙望族所謂唐氏三先生者名聞天
下道世罔宣具列集傳云筠軒於公為五世祖白雲
高祖梧岡曾祖梧岡生來吉來吉生邦達邦達娶鮑
氏正統甲子九月二十七生公岐嶷穎異母嫡曰江

繼曰潘諸子中率鍾愛公讀書一覽輒不忘端飭寡
言淵源家學義出天授少嘗從兄希元授春秋於祁
門王先生先生特器重之郡守周公子建召爲博士
弟子公奮倍博極群籍或傳有違經務求厥旨積草
充楹三傳五體渙如江海答問懸河試輒居上唐子
弟聯萼競輝語輒辟公而鄉族孚焉成化辛卯舉于
鄉乙未舉進士授樂清縣令三月奔母喪民已有泣
挽者服闋改唐縣唐隸畿衝要健訟寡學時戎務叢
脞歲荐饑逋蕩日衆民習聚慝士廢科目久矣公蒐
警黠管威以刑繇是敷政流恩賑徠各有法手續九
則征役用平敬教勸學創若干條有歷若試拔其秀
者數輩口授以春秋要義時則諸生張時劉汝爲者
相繼以春秋名科禮教薰漸唐風勃焉以變三載用
薦擢山東道監察御史倡律會集纂要十餘卷憲司
稱便巡城督倉屢奉勅監居庸諸關築沿邊墩堡
若干歷山右覈補倉場累萬兼署諸道矯矯臺端稱
真御史云乃內寺李者亡何格殺齊民中圖規免公
論法當死否則虧國體如天下何疏入繫廷天威

不違顏咫尺衆危懼公論不可奪卒以奪俸直聲大振下未績考上上進階文林郎父母妻并得贈封弘治己酉出按廣西載肅憲度便道省親時兄希元以寧波別駕弟希說以甲第賜歸畫錦裒集鄉人榮之會孝宗覃恩寵荷金幣又明年中丞屠公被召爰至自廣語曰巡按兩廣知大體能安衆柔民綏土服遠者孰與唐御史御史用式時以爲知言庚戌以公監會試剗弊立法尤號得人母喪哀毀踰禮服闋先是徃甞記貴冑椒房支庶廣西諸司旣連坐謫公起復亦以是謫丞永城永城民又德公相率走千里乞公爲令當道亦疏請乃奔父喪冒暑就道及冬莽大雪坐是風疾顧志罔出矣輿論以屠方銓衡強此行擢令桐廬謂行且召公然終非其志也未幾連章請謝當道曲留至再竟委印綬去中外歸高八年林下杜門却筭逍遙頤養雖痿瘖指使嘔吟日惟課子或忘寢食携諸孫輿游不廢乙丑四月朔疾卒壽六十有二配汪孺人爲叢睦永芳翁女貞良內助今年踰大耋而視聽不衰子男三讓早卒誥壬子舉人守

綱汝州卒有去思謨文藻幹蠱克紹家聲女一適邑
汪鏊孫男五人振振未艾女三人俱適人某年月日
卜葬某山之原禮也公氣高寡諧獨樂育後進及門
之士各以名顯友蓋天下天下之長者率器公三先
生集至公始盛傳見篁墩學士序發潛昭德狀如張
大理誌如汪中丞者剡剡足不朽已汝侯痾公罔伸
信宿蒼谷泣以傳命綱嘗屬草焉且曰誥不肖少嘗
戲中圃登木覓果奉小杖兢兢一第甲子函歌伐木
函命誥曰往哉爾試計將顯揚詎知求訣也既而判

武昌僅以歷守雖罔敢違教履后土而戴皇天痾惡
可已已於戲象賢濟美公之家學足徵矣維綱四川
之命賴侯得辭唐之張劉二生新安太史南岡憲長
綱幸竊淑茲以命申南岡乃歸公傳云論曰君子以
御史儼宰相唐公其御史哉維德世自白雲下上乎
坡頴文中躉矣夫策憾遺隋黨卒宋焉抑不知唐之
世學遙有端緒使唐公而御史也言行則春秋之道
宣矣顧所坐類孳竟使爾爾尚謂曰知宰相孰與御
史此可以觀世道也孫忠圖孝勇退之意遠哉於戲

上承下佑揆序平成元愷適光繫高陽氏之所謂才也其諸眉山河汾之風歟太史氏采焉將無感於斯乎

安人譜後狀畧

嗚呼可亡哉安人也安人周姓行三諱曰某于歸二十載壽止四十而一天乎痛矣先君時爲諸生指腹爲綱索耦繼呂薄宦固克修禮乃九梅翁克敦夙言二姓之諧殆天也自歸尚綱病苦憂惕無一夕之寧遽意止此有人餽隻鴈者淚滴成凹安人惋歎又

之綱時戚惻詎意其在我邪勞而未佚蓄而未發耕而未食維茲痛已乃同爲招師繪像凡三四易輒弗肖嗚呼若罔以貌尼父覲罔以尺湘纍虎賁不足以肖中郎若之人不可傳也死矣夫像之不肖者形爾形者理之所不存也乃同復撰次其平生爲季譜余覽之頽泫然矣譜所不及者其忍無辭安人自嫁以來居常菲大敬事不脂粉書物券契徒置有恒歷歲罔失往京邸稻視粟價倍安人繇爲郎以至太學間糴太倉之粟歲用不乏其飼若子也食則以糲衣則

以布多則撫枕數起嘗亡一劍行坐思既獲乃已
乃若喪我先君以喪我先太君歷衰期功總者無虛
歲雖品服曾弗自耀矣安人自歸事事觸忤綱念無
以慰其意嘗朝之曰將無悔則曰悔霸無子將無恨
則又曰恨潛無妻嗚呼烈丈夫有是哉嘉賓燕集則
款爲豐腆非綱歸曾弗以寢時耽聽講惟弗事筆札
所嘗識者筭數月日而已課子以文或令俗解則曰
此詞多意寡凡此可一一數邪安人仁孝靖一貞安
明斷行儀言中煦若春溫御下以恩小過不咎子弟

曹遠有端緒漢更始初居潁川郡祖有諱元者避新
莽之亂自潁偕家隱嵩南大洪山建武初亂息始出
占籍于今白沙鎮乃爲釣州人歷唐來族宦累葉譜
牒罹兵亡之世次不可攷矣宇謹按祖考大夫公高
祖考諱聞政至元間提舉本鎮鐵冶曾祖考諱坤業
儒博學精軒岐術祖考諱德忠考諱大淵贈今官妣
王氏贈一品夫人公平生爲令者三年守者三十二
年終以守授老焉鄉人無貴賤長少咸曰太守公云
公生而秀爽孝友天授才數歲聆詩句輒成誦人大

異之稍長爲博士弟子書史不待講說讀數過自解其義舉措老成鄉評歸之善五七言古詩爲文不尚浮藻嘗自奮曰爲士而不能推所學以養天下空學也未幾爲洪武己卯舉鄉貢連舉庚辰進士初授縣令得延安之府谷府谷號難治公到官條教鉅細具有成法三年頌聲大作時寧州爲邊鄙要害職任頗重又難其守太宗下詔求賢嘗得公遂擢守寧州寧州吏民聞公威重甚懼公曰父弊之地刑非所先也但詢訪人情土俗不拘拘於簿書期會之間一郡

翕然安之始寧人未知學且不諳樹藝公勸農興學瘴惡章善舊俗改易他如置屯田練兵均賦次第舉行居無何奔太夫人喪吏部已以吳玘者代徃民思之不置詣闕懇留上亟允其請曰百姓每旣說知州劉綱好著起復馳驛赴任管事吳玘取回別用公心喪蒞政民不忍犯訟簡圉空未嘗輕以極刑迨人曾經訊鞠者竟無反辭嘗署臬司不旬日釋冤獄者十餘人先是州境有龍尾湫時騰光氛遠近聚觀以爲王母出現男女舍利供奉騷然惑之公俟其現親

詣伏弩射之光逐矢滅已而泄其水乃一巨鼃也妖
遂息長史孫鼎嘗爲之記一日巡課農桑行野中值
橫石爲砥馬驚不度公異之細索其砥乃狄梁公忠
義碑也即日起豎爲建廟區碑辭則范仲淹所撰
者舊傳仲淹遷金人遺塚今寧民相傳以爲公嘗有
是事見祠堂記公善政殆不止此此其異者太抵關
西一時郡守無出吾先祖考大夫公之上者矣仁
宗朝賜璽書并四品章服後考績。上親臨顧問勞
賜酒饌隨行囊橐蕭索人不識其爲郡守也正統改

元以年七十數上章始得去去之日哭聲振野爲立
生祠祠舊祀良刺史狄仁傑梁毗李勣并允則袁諧
孔道輔六人又增公一人榜曰七君子之廟歲時必
祭水旱災疫必禱至於今不廢又踰六十餘載矣當
公之守寧也綠鬢而往白首而還其間丁艱者二歷
考者十餘俱以寧民奏留故始終太守及居家往來
存問踵踵雖身後猶有千里哀糧哭臨展墓者蓋公
素以父母子其民而民亦以父母事之至此也寧民
舊謂公忠智類狄公正直類道輔其愷悌慈祥則真

有古循吏所不及者宇嘗攷漢以來守令號循吏者
任十餘年爲父家父者二十八年而止視大夫公之
守寧猶少焉人固惜公未得施於天下宇獨謂公有
所成於一方使其施於天下則視成於一方者又未
敢知其當如何也公生於洪武丁酉正月十七日卒
於景泰壬申三月二十四日得壽八十有四葬余白
沙鎮兌金山祖塋之次先贈通議大夫都察院右副
都御史今進今官娶夫人李氏先卒繼娶夫人李氏
端淑真靜內相綽有風範先贈淑人今加贈淑人夫
人生男即先考少傅公諱隸者業儒舉懷才抱德不
起贈令官其詳見少師馬公行狀孫男三長即宇叨
壬辰進士歷政有年重荷令上推恩三代俱特進階
光祿大夫勳柱國少傅兼太子太傅吏部尚書皆從
宦官也次寧散官次定早亡孫女三人孫男十人女
九人念宇幼時公殊加愛惜嘗口授詩書及長令上
海守瑞州竊遵遺範視先祖考大夫公雖邈不相逮
然而幸無過舉獲有今日者又不敢謂之無所自也
傳曰先祖有美而弗知不智也知而弗傳不仁也夙

懷耿耿歲年薄暮恐遂泯沒有所生故直述其行之大畧如此誠不敢浮辭溢美以誣先人幸惟太史老先生采焉行將表石墓左庶國恩世行兩不朽也闡揚之德當相與爲無窮矣謹狀

少師守靜焦公歷官狀

公諱芳字孟陽別號守靜年七十有六爲河南泌陽人天順甲申進士改翰林院庶吉士成化乙酉授本院編修丁亥英廟實錄成加俸一級丙申陞侍講支從五品俸文經筵東駕講讀官乙巳陞侍讀學

士丙午降湖廣桂楊州同知弘治戊申先帝御極初陞山西霍州知州未幾陞四川提學副使庚戌陳情乞便養親調湖廣副使仍提學校壬子以言者奏勘被誣謫宦來歷欽改南京右通政適丁母憂甲寅接丁父憂間復除南京右通政丁巳起復奉聖旨改太常寺少卿兼翰林院侍講學士仍舊經筵及充副總裁官纂修大明會典己未陞禮部右侍郎壬戌陞本部左侍郎癸亥調吏部左侍郎六年考滿授正議大夫勲資治尹正德丙寅陞本部尚書十月兼文

淵閣大學士內閣辦事十二月陞太子太保兼武英
殿大學士丁卯陞少傅兼太子太傅己巳孝廟實
錄成加少師兼太子太師華蓋殿大學士尋以病
上命中官饋調養諸品公仍乞住俸上曰卿耆德
舊學輔導勤勞頃因有疾特命醫調治尚宜將理即
出供職以副朕眷注之意俸不必住今年庚午自陳
衰老不職乞恩求退荷蒙聖旨卿歷累朝學行
兼隆名望久著簡命輔導朕躬凡事允協正當重託
旣引年七十有六兩目欠明衰老日侵恬退情辭懇
切特茲俞允寫勅給驛還鄉有司月給食米伍石歲
撥人夫應用親近藥餌善加調理安心熙養

思菴行狀代其子作

先父諱明字視遠別號思菴先曾祖義本昌平人永
樂間奉例遷隆慶遂家焉義生先祖榮爲遼東瀋陽
衛經歷榮生先父成化辛卯爲州序博士弟子弘治
乙卯貢大學辛酉膺薦京闈乙丑登進士第授山東
黃縣令凡四月丁內艱正德己巳起復二月授寧國
之南陵五月初三日卒距其生景泰丙子七月十二

日得壽才五十有四嗚呼痛哉先父幼穎敏勤篤雅
有大人之器每讀書必一一分曉然後放過以是自
童子時所讀書洎今具能成誦大學推為讀書第一
司成林公嘗舉以訓諸生為文思致春容下筆輒千
萬言每試輒冠多士性耿介不苟取與而陽春和氣
又與物無忤平生絕不事干謁鄉人鄭重無敢犯者
事先祖雖細務必曲盡心力顯揚之志迨今不衰所
以再領縣令不辭道路之艱者此志未酬爾先祖任
遼東時嘗橫疾得報即走往侍湯藥病因以愈後聞
訃而徒跣奔喪間關千里夜行不息雖人所不堪而
處之裕如在黃聞祖母喪亦即解印歸無復顧忌黃
人異之艱居內外舉不違禮處親族辨而能愛交交
信直不為酒食遊戲之事會惟論道義耳處昆季有
恩與人交際澹無所挾凡家居授學者眾恩義周至
無異已子治黃時每政暇必召諸生講解朔望臨試
分別等第士氣增焉黃有民兵舊朝夕候縣先父皆
遺歸就農里甲無事者亦疏之自是督郵一月之費
僅足抵舊時三二日之用耳未上任時御史盧公委

以清軍先父處之有條不旬日而一縣之軍役無再
訟者盧公大噐重之有婦被姑逼死其父母訴於縣
情甚急切先父諭之以理重懲其姑遣葬之而事遂
已又一婦孀居其夫男第素克恨謀奪其田宅事覺
夫治以法孀婦得守其志二事一邑稱快黃邑濱海
歲災民有流入海上者招之復業免其徭役且給以
粟不四月間已得民四百餘戶矣黃舊有刁民十數
次第犯法俱被重譴事既民乃言曰津刁民也某刁
民也足以謝一方矣時收夏稅榜約以期一日而完

無一人後者至今以爲美談大抵簡嚴平恕民不忍
犯笞箠不越三五數而人愧罪無地嘗禱雨輒雨不
出境俄有芝產於文廟黃民皆以爲瑞應柰何甫四
月而內難之訃至矣民之送者哭不忍舍嗚呼使父
其任又當如何使其復施於南陵又未知其當如何
也柰何未上任而今乃卒於沛縣舟中矣嗚呼尚忍
言哉配先母姓丁氏字靜生而淑慧中饋惟精四德
以備事吾大父母以孝處妯娌以和事先父以敬育
不肖等以慈待僕下則寬而正視族則溫而惠其於

先父之務學也宵則先燈於書舍至五鼓又如之時
或執紼以陪年三十三而疾作弘治戊申九月十四
日卒某年月日葬於隆慶城南祖塋生子三長即軫
與先父同領辛酉鄉薦壬戌舉進士授兵部武庫主
事歷任職方員外郎郎中次曰翰丁卯舉人次曰軫
治家人業先母既卒先祖念不肖等尚幼無人撫摩
強吾父娶今母懷來張氏不肖等俱被撫育獲有今
日亦生子三人曰輯曰軒其一尚未名女一許聘求
寧縣庠劉忠弘治乙丑朝廷以不肖官贈先母封今

母皆太安人獨先父以新任未受封而今則已矣乾
竊思先父爲人一生勤苦宦學二事乾曾何得其萬
一而官則如彼雖官不足論而人子之心痛切何如
也乾罪惡深重不自滅亡禍及其父且屬曠之夕未
及一見終天之恨何時已乎茲將以年月日葬同先
母塋曠荒迷中畧述行槩如此敢乞太史先生俯撰
誌銘以垂永遠乾存歿不勝哀感之至

馬少師小狀代其子作

琇先君壽八十有七以今年八月六日卒於家嗚呼

痛哉其尚忍言蓋自景泰二年進士歷任監察御史
按察使大理卿左右都御史侍郎兵部尚書轉吏部
終少師兼太子太師凡一十七任計五十四年自先
君而上父祖曾祖考妣俱蒙 恩贈如其官歷事
五朝受知 四帝忠貞之節可質鬼神學術勲勞載
在 國典出處履歷之詳今在人耳目間而年譜亦
存其際其間遭讒罹垢出入起仆或際險臨危事變
叢藉出萬死於一生然 國恩深厚而犬馬之報亦
自無遺力矣七十以來累疏求退不蒙 允旨已而

先皇晏駕未忍言歸 王少國疑平生至慮夫何改
元時事維新群奸媒邁排擠乃乞休章凡再上猶荷
聖明重念老臣勅賜舟車仍令有司供養今 勅旨
并 累朝者計六十五通具存可考已柰以孤直不
阿充爲逆賊所深啣假緣他事傍及中以慘禍四代
誥封一時追取反指 先朝正人爲黨奪爵爲民如
琇者亦 先帝賜官錦衣擯出外衛嗚呼尚忍言哉
先君歸獨村居不入城府每嘗靜坐語及時事感額
不答比望 皇陵焚香流涕逆知其有今日也久矣

卒之日州人無老少貴賤爭往弔哭爰有三異劉山
忽崩天鼓再鳴群鶴引輿州人王自誠者又晝見於
葉縣之南固知大臣終始實關於天琇爲人子恨不
能啗逆賊之肉耳顧不肖罪宜萬死嘗過庭聞命曰
幸生東土唯無愧嵩高之氣乃休伏惟
執事伊洛
正學 國史直筆先君所推重者也敢乞 撰述誌
銘以示末父亦不敢過求溢美以重不孝之罪謹以
傳二冊年譜四本隨 上用伺 採覽無任哀懇之
至

書簡

謝倪方伯書

綱方病臥俄執事專承差衛衛齎馬夫柴薪銀四十
兩馳送林下嗚呼綱何以得此於執事又何如是之
多也乃查舊卷未領柴薪自八月朔至九月廿日例
當得銀十二兩馬夫者已完執事所見未完時卷爾
因對衡取其柴薪之數外銀仍令領還執事然衡堅
不欲去恐執事加罪綱謂衡曰當爲子書之嗚呼求
之天下知已爲難自綱之西歸也愛之者則加譽過

高憎之者則加毀過卑譽則曰彼不宜外補爾彼謂
官麓小爾彼視某某屈爾彼不俯仰於時志不得行
爾毀則曰此碌碌者也此木強者也此沽名釣譽者
也此特微才不老練者也此不諳艱苦輒輕富貴而
後當有悔焉者也嗚呼愛憎徒爾彼惡得而高下之
耶乃若綱本以官望并重年力兩乖重以母老亂其
心病縈纏其體安能舍諸此以從彼哉權度熟矣豈
忘知己負國家耶緬惟執事特爲知己當綱乞歸
時始亦難之走書以諭以留既而信余言移文咨付

醫人歸又辱專使追送聞人言則又爲余恐星馳以
報已而預備贖米邀余遄歸余亦聽之而已後幸免
執事又以賀余頒賜新書千數百本懷之三載矣乃
又憫其窮也有是哉聞壯士以一飯而殺身綱豈敢
忘知己水邊林下自視此身生之者父母養之者
國家也綱自孩提從父食廩於學少長從食於官會
試下第饌食胃監歷事食銀臺遂以登科食戶部之
太倉授官後食兵部食吏部又食之山西又分之以
養母又籍之以哺妻以乳子凡國家之廩所生養

者皆國家所得而有之也烈士以萬死報主綱豈敢負國家自歸痛恨偏性執戇動與物忤終難爲用萬一國有急難綱雖以齋粉不辭況夫高輿駟馬行擁旌旄坐列珎羞區區簿牒幾何辛苦而顧爲推避也哉報國日長報劉日短昔之君子先得我心今老母九十有五幸尚善飯執事謂當何如或又以爲彼資家食樂爾嗚呼椒茅衲被粗糲蔬食出山跨驢入室衣結藥債未償鑿儲已倒延賓乏具退而吁嘻執事知余心其樂乎否耶欲遣悶則披卷少得意

則我詩撫心自誓此所以仰天每歎者也因知已聊洩此情則所以於執事者可知已衡歸幸不加罪便間仍望教我

謝瀟川何都臺薦書

會薦題詞綱今始獲讀之感焉愧執愚不肖道聞未蚤乃今始知昭大義者謀遠推大惡者善篤除害者利排難者福夫福備也難不苟免福孰大焉利與害敵投莠蓄苗利孰大焉好惡殊途者也啼咲其情者也與善之篤者嫉惡必嚴君臣之義大矣慨夫此義

不明公而私之其以為利債事誤國謀之弗臧非大
義之弗昭歟嗚呼所由來者遠矣夫排難者忠除害
者義與善篤者曰仁大義昭者曰道舉一物而衆善
集焉由是廣之厥止孰測天下孰不於有道歸耶不
肖坐未聞此悔憾悵悵常恐年與時馳負此生理且
所謂司馬公者抑何人斯居洛卜五六載起猶難免
顧綱宜如何哉孔子曰何以報德曾子謂君子之愛
人也與細民異綱愚冒以此說進者非敢苟同於細
民或亦君子之報也惟察其愚而終教之斯道幸甚

谷張李二年兄簡

趨徒徑者人皆訾其無恥書絕交者余亦悲其無狀
殊非孟氏所安焉者乃若本以官望并重年力兩班
方自避以逃愆遂輒緣以罹咎況又安敢如舍母從
人忘身市利者哉邇來歎廢興於帛編聞歌哭於里
巷使夫悔過之心日益以萌而干名之念日益以隳
者也顧饘粥足以糊口老少足以娛懷一瓢之外夫
復何知傳曰至難得者師友也幸惟教我近作數言
聊以見志二兄處各不同互取觀之可也此書一毫

情同故爾力疾草草不具

送謝宋二生簡

蒼谷子嘗經桂林觀於滄海但見群鱗波濤沸盪有
潛者躍者嗑吸者嬉聚噓散者旁出而隊游者仰而
踊俯而沒者洋洋然馳波跳沫者捷鱗掉尾振鱗奮
翼轉騰激冽于滴滴涸涸之間者禺禺圍圍于菱荇
者一瞬千里者突者止者灑渺涯涯紛極異態逮夫
迅雷擘山長飈扇海鉅浪泊天莫不有乘風雲而沛
霖雨神變化而游八極之表者矣曷乎乾坤一偉觀

也茲者日吉辰良河清海晏眇槐影之欲黃嗅天香
之未遠他日有御風鰲背斫桂蟾宮非我池塘春草
之仁兄則必渡蟻浮橋之寵弟也題柱何如奪標有
待蒼谷子今雖病矣尚能抽毫爲二三子圖桂香賦
神龍獻之上也願拭目以伺

入杏園馬汝載憲副書

向在山寺偶便付緘以伸衷仰殊艸畧去後愧念茲
反辱飛翰長章下惠迂愚感激之情又可知矣備聞
名振湖湘德光衡嶽大君子有用之學願如是也區

區不才多病何爲者哉所幸二母粗安承示遲速之
教良有意義嘗爲之說宜遲宜速者已也速之遲之
者人也所以遲所以速速而遲遲而速者皆天也在
人者吾何知焉審已以聽之則吾人當自力者高明
以爲何如便中倘不鄙尚教我也如何如何北上何
時能過邨一會否區區之病未知何日甦爾士弘轉
考功昨有書達意墨刻拙稟聊侑緘爾力疾復出出
餘情瀼瀼安得即與知己者一傾倒也更惟若時調
攝以迓天寵不備

與楊太守書

前文竟追還否今旣數日矣誦其詞且感且愧惟絀
歸來貧病相仍甘旨不繼杜門自省速謗尤多安有
如執事云云者哉至謂干免一字不行信如其說亦
士大夫守身之常況未必然歟傳之士類將不有寒
蟬之誚邪感愧感愧病來閱史嘆自昔守尹辟士者
多矣士爲守尹辟者亦多矣然顧有不受者有受焉
失望者有旣不受舉重以爲怨者有貴則相絕死則
赴吊者何哉存乎其人焉爾信如賢雖父子兄弟親

族交相舉亦可也雖脫穎自薦築臺自始者亦可也
況公舉難得如守尹者乎或因以成名或并以得罪
或詆毀如黨責望如英則固爲辟者惜而名與實反
心與迹違進退無據者又爲其人惜焉綱亦知執事
此舉不過爲充一職以綱寡陋不類亦豈敢妄相比
擬取大喻小云爾執事以爲何如倘以爲可用何不
曰某當如何修已如何處人如何交友而事君而事
上官如何古如何今如司馬公所謂養軾於數年之
後或者不負執事之舉爾綱勇於自退者明於自知
也況重以網病日加母年日薄幸卒教我不具

復崔後渠書

友道古攸敦矣商歎離群元公謂至難得者也維綱
受性踈劣率取資良友垂老無成坐力不競非其罪
耳徃憶執事裒剝磨滅謂傾蓋輒契同被罔察茲騎
驢京華三十年前之言也吾兄行業烈烈藻翰範世
視古于光頃讀來諭疊疊殊增悵恍迴想仲默西行
逝後如兄者幾顛滅於網乎哉古人交情以身後定
之諒已而背非睥反如俗態何聞兄髮已素綱加之

齒搖化期寢邇是可歎也所幸問和諸子何甥於賢
郎足嗣舊好身後不落莫矣風林月榭每誦高情無
繇縮地鼓盆攀栢所難免於古人者我輩遭之當忍
死自寬潛云容養此軀以慰有知他孰足道外同補
狀想兄見之當鞞爾鼓掌亦世講之一也所云仲默
誄者幸惟亟圖刻之貞砥以慰幽明非執事無此望
爾別紙幸照北鄉停雲無任瞻依統惟尊慈亮恕外
馬谿田稿附覽餘不克備

謝梧山都臺書

綱無似病臥蒿萊歲閱五載當時之人見疑焉者見
矣焉者見詬謗流言者矣卓爾遺賢之薦曾見云云
如我執事者乎何執事獨於人異哉綱第愧孱弱真
煩齷齪信無以仰稱明旨曷勝竦懼曷勝竦懼雖
然執事之意則大矣見則高矣其為德亦已厚矣雖
吾君與相不必其相信與否顧自足聞於天下後世
者矣綱裹抱既久言莫能繪安得賜之坐隅一吐平
生之悒鬱邪然又歎夫昔之窮士不得已於言言矣
而傳駭當時貽譏來世雖綱亦嘗謂淺之手言者也

嗚呼言忘心齋而學善靜坐者有以哉既而又竊思
惟日獻求進者曲士所忌負德矯名者君子所耻矧
持立曰儒幼學曰行而徒然已哉乃若天章揮灑
薦剡揄揚此韓愈諸人勤勤懇懇盡一生而不得於
人者顧網何人乃無何一旦得之於執事使網而塗
人也則亦已矣使網而少與愈似則其爲感宜又何
如其亦曰山間林下勉於自修而已勉於自修是網
之所以爲感所以求知所以爲報且以謝於人人也
若曰俗禮諒非執事所望於網亦非網所敢聞於執
事者去官畧具祖母誌中茲不復贅爰錄西歸嵩游
二冊少見鄙裏并求指教於門下云爾統維亮之教
之幸幸殊不盡

獻靈澤王書

山西左叅政王尚綱謹書獻靈澤王殿下綱讀大
王傳起功名富貴之心睹大王書明天地人神之道
又嘗過微子嶺拜聖母祠問之路人乃知雖神
亦有母也伏惟大王勲業掀天英畧盖世生而正
直死而神明固其所也況夫出將入相深沉雄渾唐

之諸臣皆所不逮而神功武畧雖魏霍韓白何以加
諸是以窮通生死迥乎塵寰之上也豈不古今偉然
一丈夫也哉綱者一章句儒爾年未及四旬官未及
三考驟陟崇階心實抱愧柰中原盜起內甸丘墟市
井屍填樓臺火化慨蒼生搶攘命實可傷竊念二母
狼狽陳情惜素信未孚於人而章疏不復於上強
顏備位終不自安願綱者平生忠義之心實同殿下
豈敢自欺弟乳黃未脫毛羽未成遽令飛騰終看墮
墜乃今臥病在告路經祠下敢以心事輒與神盟
未言之誠想亦神所獎鑒也幸神佑之指引明途
早遂養母之計弘開福地曲成濟世之仁雖侘特之
功名富貴上不敢擬於王而今日之天地人神情或
不殊於舊也惟神有靈告此上帝

謝王巡撫俞巡按會薦書

綱僂俛辭榮跼踖服勤十有三載自甘長棄已矣乃
執事節鉞遙臨願先枉駕頓令山林蔀屋突兀增崇
已而薦旨自天士林傳頌第濫及樗散殊獨愧罪伏
念坐井乖隔願安得此執事亦安取信於綱生平邪

綱生一歲即鞠於祖母叅政山西當時祖母時逾九十歸養僅五載日瞽復明奉以終天適喪未闋薦除四川時老母七十有奇繼以荆婦中天罪罰曷酷年與時馳竊增悲歎徒慚薦剡葵藿向日之忱螻蟻忠君之念曾一日而忘於綱哉天覆地載慨茲大義中重本性矧有知邪進退出處維聖有訓落魄如稽阮數子者非孔孟之徒所敢道也愚之心跡莫逃衡鑑倘如何使身非我惜如不可使終焉林下歌謠太平未敢齷齪雖窮即死執事其無憾於綱矣不宣

其南杏油馨都憲簡

其南杏油馨都憲簡

綱不才又矣誠索頃報德音愕如夢境捧讀詞旨切憇惜我教我不覺戚戚既而憮然夫好榮惡辱樂進耻退予之情豈獨於人異耶仕棘或殆痛予良友中道或泊惜予平生不我知者已矣諒惟知我奚斯云云予之自處尚維古舊非敢貽愧進退維谷竊嘗浩歎末路寔難良不我欺適來哭死心摧憤觸境異瘞骨葬地朝夕是函佗日得無絮酒相吊百身相贖者乎尚何言何言

答周子德懋簡

來論文中子固極之說於吾夫子有誠然者程子謂
通本隱君子議論極有格言續經之類皆非其作罪
至於後人之附會爾此程子心得之見萬世之公論
也至其著述遠過荀揚事業規模高出房杜而彼賤
詆者何為也邪其視吾程子之心胸何如君子深造
貴於自得真懋以為何如他日玉堂之上史筆輝煌
為死者雪冤否其曰借以相告就文中而言蓋出於
其府君伐木之訓此惡敢聞殊不盡不盡

祭文

雙酒務祭程明道文

嗚呼明良相遇從古為難以先生之學監酒務於神
宗之世相維厥土繇今視昔萬古恫焉夫神宗急於
求治有聖人之資也先生身體斯道有聖人之學者
也柰何新學斯崇而偽學斯禁千載之期失於一旦
向使其有麴蘖之託又孰知無鳧鷖既醉之望耶是
故重歎明良之難也嗚呼恫哉網晚生茲土鑽仰有
年爰因清明式供祭掃神其有知鑒茲誠意

平受祭東光隨之旅觀文其本賦靈文如也
惟靈秀鍾渤海名迥東光桂老黌宮千里聳雲鴻之
志槐黃壁水四方壯司馬之游延風景乎商於形神
不返寄孤骸考邾鄆歲月彌留霜露與悲霏煙送挽
棊等荐更兵火退處蓬蒿爰匍匐以無從徒傍徨而
竊歎傷心蕭寺悵掩骼之何人灑淚西郊謂栖魂之
有地松枝掛劍遙愧徐君麥壟風高空懷元振邇者
豕噐北來寔勞徒步靈輻東駕乃慰群心雨後銘旌
白馬動故人之念風前尺素青天識元老之仁杳杳

鶴軒梧丘夢繞蕭蕭鴈陣易水歌殘終藏舟於百年
閉玄扃於萬載某等一觴用餞再拜求辭

祭華州張子文

嗚呼傷哉世兮溷濁道兮茫昧張子方將有激於斯
也夫何竟歿以死嗚呼傷哉惟子惠慧淳孝決科象
賢溢焉內艱苦由風煙依廬而死行路感慟乃今觀
風茲土薄薦興哀而翁若舅踊地呼天嗚呼傷哉夫
歿莫如錢壽莫如顏使無顏之行有錢之年則亦何
取於子耶是故朝聞夕死尼父所以見許子淵之所

以樂靈修之所以爲卜問也神兮有所難通天兮有所難謀嗚呼傷哉故曰臣維死忠子維死孝據往推來迴乎覘矣激頽振薄維子之風允茲苦節名與道崇含笑下里雖死猶生將愈遠而彌存維顏氏其可同者也嗚呼傷哉

祭祖母文

尚綱罪逆祖母凶變倏爾之暮聲容未見夢兮相晤神猶懼宴旣寐而泣食不下嚙茲以小瘞有期誌銘已撰桐維壽如母兮頤年乖願德如母兮皇恩未

睽亡何而終于焉挂歎啼饑號寒褰錢衣線誰復于今如母戀戀兒緣母歸母今何先嗚呼天兮不仁摧我良眷爰即嘉辰粗陳薄饌匪曰具禮用申朔奠母兮兒知歆此明薦嗚呼哀哉伏惟尚享

祭聶舅氏文

嗚呼舅氏行高古人命兮不造貧兮終身夙游黌序翰墨馳芳嗚呼舅氏閔此螢光株守無何府辟從事嗚呼舅氏寔降厥志上熹下順前耀後承嗚呼舅氏厥譽烝烝是維斗米載賦歸歎嗚呼舅氏爰篤厥初

歸歎孔樂一丘一壑嗚呼舅氏俯仰無怍柰何棠棣
相繼云亡嗚呼舅氏予母獨傷悼歿慰存粵生猶死
嗚呼舅氏視予猶子渭陽我送痛隱寒泉嗚呼舅氏
誰識其然伊獨何長此獨何短嗚呼舅氏歛不盈斛
伊獨何裕此獨何糶嗚呼舅氏天兮不平繫余疇昔
曾誰淒楚嗚呼舅氏涕淚滂午芹藻一薦愧彼玄纁
舅氏有知歆我斯文

祭趙氏嫂文

惟靈貞資夙稟佐我仁兄乃勤乃儉以嗣以成厥功

未享胡疾而傾萱花實淚荆樹含情念某有瘵在告
邁禍維并恫將鶴駕永訣瑤京薄陳祖祭愧此粢盛
靈兮不昧昭降前楹

祈雨祭龍王文

嗚呼亢陽不雨暉暉爲災上乾下坤天地垂網緼之
化雲龍風虎陰陽失煦翕之仁時未冬而水泉已涸
霜未降而穀黍欲黃衆口嗷嗷碩祝融之是怨天章
耿耿諒風伯之難逃咫尺內河山鼎沸旦夕間寰宇
陸沉恨天聽之彌高仗神靈之伊邇惟神幽光烜赫

雄鎮一方號令嚴凝威傾四海倘蒙愍此衆生伏願
早施法力起虬龍於窟底鼓雷電於域中流清風以
浥劫塵瀉銀河以沃焦土使嘉禾兮頓秀使群卉兮
喬天官廩私倉在在有秋成之望饑兒嫠婦家家無
夜泣之聲民物同歡神人胥慶斯天之澤惟神之休
某等祈祝未若桑林義均憫旱供養寔同松子欣戴
同仁神其鑒之僉曰幸矣

祭劉耆老文

維靈秀鍾汝海羨溢江鄉皓髮龐眉尾商山之四老

葛巾墊服象帝座之三光爰式問而問政遽脫舄以
云亡嗚呼天不佑誰辰豈會昌望紫氣於關東歡失
令尹捧青鳧於圯上悲動子房網誼聯里社喜接壺
觴感年忘之繾綣哀涕出之淋漓易隔千年殫晞九
原之露難禁薄暮松飛萬里之霜慨輓歌於總帳陳
祖奠於華堂攬物微而情腆諒詞寡以哀長靈其知
矚歆此中腸

祭李三川封君文

嗚呼姻聯巨室誼切同季兒同納采公其尸馬柰何

封章未幾榮養蚤捐網追痛皇考去公既先喪臨
祖母執紼亡緣嗟哉二姓併茲迎遭蒼茫幻世誰其
問天有聲裂石有淚徹泉命兮乖舛嗚呼三川遥馳
薄奠申薦微虔

祭鞠潭柴公文

維年月日某既暮誌銘爰具祭儀顙某馳告于

鞠潭柴老先生之靈曰誌銘草具嗚呼先生才靡究
用德乃浮名援文範靖節之例采文中貞曜之評私
謚公曰忠靖義實愜乎幽明是出衆議未殫愚情夫

伊川明道橫渠明誠世無溫潞誰主斯盟惟 頤問
之重頒庶典刑之有徵否則孰如別號稱足爲榮謹
將牲幣祖告英靈

祭六叔母張氏文

嗚呼叔母視網猶子春秋維艾奄忽日死家業載弘
嗟爾麟趾天實爲之豈曰母志倉箱贏溢惟母之臧
蘭桂映鬱惟母之良母云爾叔我復何傷獨念姑老
撫摩誰將我聞此語心兮轉悲迴看母面淚雨垂垂
傷哉未訣倏焉已暮聊陳薄奠薦此哀辭

祭西平李令尹文

嗚呼人孰不亡維夫君子繫此綱常西平之戰實比
睢陽倉皇兵火身以爲倡力竭被執慘于犬羊罵賊
之語日月爭先事聞當宁恤典彌章孤忠冠世勁
節凌霜嗚呼如公可謂不亡綱今巡歷瞻彼太行望
風致奠魂其升堂

告城隍文

適聞越獄者返殺人者獲令以羊猪文禮謝功於
神矣既而讀韓文曰殘民者昌佑民者殃去者爲功

繁息爲讎賞功禍讎天之道也既而又讀柳文曰功
者自功讎者自讎功賞讎罰天地有不能也余意
神奉天之道者也而神能乎越獄者余莫得其詳受
殺者則余族也其詳不可欺矣竊鑰啓關張燈授刃
臧獲叛逆疇弗加功卒令孩者繫頸壯者疊屍賊乃
嘯茶醕酒仗梃持索或忿起瞽人或怒延老嫗當其
垂死冤號群聲啾唧神於此時曾不一奮威靈而
使之稠載長驅白晝出城乃今凡六越月矣澤然肥
矣嘗呼天而擗地賂鬼而禱神矣使不荆襄就擒將

終焉已邪或者誠如二子之說歟則不神之功余不
得而知也抑誠如余之說歟則神之罪余亦不得而
知也祈邪報邪民斯惑焉神其以此質之上帝
窮追溟漠置韓柳二子於法俾其兩造一詞然後可
以斷斯獄矣嗚呼陰陽表裏神人依附者也惟神
其慎之哉

祭東坡穎濱文

嗚呼先生一門萃美百世揚芳鍾靈錦里託體嵩陽
名兮蓋世神兮此方兵荒屢歷種嗣蒼涼綱等世倨
臨汝景仰休光爰當生忌薦此椒漿嗚呼先生其何
可忘

祭司寇屠東湖公文

於赫皇祚駿膺眷佑於穆哲人邦之司寇卓犖行義
茂懿淵冲三朝曳履侍宸從容功勒鼎彝允洽令譽
有斐興思典刑是據粵惟我公斯道無窮麗天三辰
惟公之忠紀地四瀆惟公之德奕世相賢終古風烈
爰修明酌用薦采蘋豳云備禮昭格維神

祭大司馬襄毅項公文

維公曠世純臣昭代元老才著刑曹躬歷征討血食
荆襄緝寧豐鎬腥羶載清豺狼迅掃崎嶇難容嗚呼
直道放歌白紵翳翳紫芝五福用享九制褒詞銘勒
太常蔭篤雲裔麟角鳳毛呂繩日繼綱懷有年仰止
如在寤寐儀刑嗚呼百代陳辭薦酒載拜風神俯兮
山嶽仰兮星辰

祭嶽母王孺人文

惟靈受性淵懿稟真貞良承家有則合族以先踰老
距耄無疾而亡嗚呼哀哉綱忝游門下攷德難量爰

當冰訣少贅述 物母夙命我涕泗沾裳外家昔盛百
兩于將誰云事變絕彼蒸嘗余懷姪姒百葉其昌誰
云命忤有育輒殤禍福何據興廢何常顧賢如母不
怨彼蒼言今在耳字字堪傷嗚呼哀哉良圖載啓媒
祀以相乃令周嗣子治流芳男婚女配鳳翥鸞翔沂
流定謚潛幽遙彰嗚呼哀哉綱昔妻長女母視猶郎
荆釵納聘指腹糟糠竭來京國辛苦橐囊歷官有歲
已荷龍章疇曩旅邸寤寐相望云胡歸只而遭母喪
扶男攜幼哭踊空堂行吟感愴暮雨秋霜恩兮靡厚

茲焉叵詳網側觀塵世惟慕乘張匪妬則忌匪仇則
忘弘達如母足勸一方嗚呼哀哉居諸時邁奄忽二
祥丘園下地窀穸克襄維林映鬱生所徜徉朝臨夕
奠神妥形藏人誰不歿真返僊鄉式陳祖薦塲此中
腸靈兮如在歆我壺觴嗚呼哀哉

祭三蘇先生文

維正德改元歲在丙寅二月辛亥朔五日乙卯兵部
主事邠城後學王尚綱率塔亭鄉老人等敢昭告于
雪堂老泉先生之靈暨東坡穎濱二公之墓曰嗟予

髻鬣獲誦蘇文煥兮風水郁兮春雲迺橋迺梓迺桂
迺椿壯茲氣節欽爾風神粵維佳城寔臨鄉土前寺
後祠匪今伊古喬木含芳峨眉鬱秀凌茂兵燹寂寥
華胄嗚呼哀哉念惟尚綱蚤馬筮仕繼以奔喪仰止
崇山寤寐環墻素業靡成流光易駛薄言興懷憫予
初志乃茲仲春東風氣正釋袞履吉卜齊致敬醴從
父老爰勤牧豎謹修辨香聊充野祭拂塵遺像掃松
中唐青山玉瘞夜雨神傷嗚呼哀哉瞻彼故家岷峨
齒齒疇取衣冠以慰二子定維子由忠維子瞻波閣

源遠名重三賢生兮溥游于茲託體迴矣聲光愴予
蒿里楚豆既嘉旨酒載盈靈如我監歆此虔誠嗚呼
哀哉尚饗

祭王淑人文

於戲淑人昔山作配天兮性成坤兮德載常布巖廊
瑟琴呂御關輔湖襄飭庸懋著隆恩未已貳歸具茨
胡然鶴駕儵爾瑤池某義辱同年通家累世執紼踰
疆薄敷祖祭

祭亡妻安人文

靖懿安人允矣尚綱之妻也生兮相與四十二季死
兮相離四十二日矣嗚呼安人因產而疾其勞可知
哭母而亡其孝可知哭爾者慟其賢可知有妻莫庇
我用何為嗚呼安人能不爾悲爾今何在今我何思
爾終何往我終何之日沉月照歸兮不歸擗天踊地
知兮不知爾今如此我其為屈爾既如此我罪其辭
嗚呼安人能不爾悲兒女咸在親眷臨茲目不爾見
孰不漣洏嗚呼天兮其真慈哉嗚呼神兮其無私哉
福兮誰所禍兮誰宜或天亡我匪神爾虧嗚呼哀哉

尚饗

嗚呼安人之亡蓋四十又九日矣侂日安人或晨出
暮歸而余猶讓其晚或余出爾候必既歸乃寢嗚呼
安在余將爾追天窮地盡泉壤未乖嗚呼安人能不
我悲大九事出豫料則心或少安乃若禍實一旦其
若爲情嗚呼安人爾心苦矣刻勵持家云誰爾及秉
憲勵志云誰爾如譬諸君臣安人蓋殉國之忠臣也
譬諸朋友安人蓋知己之良友也夫殉國者忠而今

或畚其報爲知己者死而今或猶生雖安人於我其
何爲情惟彼豫讓尙揚感舊之風惟彼尾生猶篤守
信之義顧余鴈失厥偶魚喪厥目縱使苟生尙復何
覲時維僞學安人所惡時維晚節安人所憚綱嗣今
而後當益勵清貞益堅苦節完茲惠音以終我安人
之意教爾五子各俟成立撫爾二女各成婚嫁以終
我安人之業養終老母送終爾父爾母以終我安人
未泯之心是綱所以報忠良而終餘生者如斯已矣
茲當七七親眷咸在謹與安人盟諸柩前神其用妥

惟公平山毓秀汝水鍾靈力終畎畝教本家庭庠序
賓筵三光列星鄉之武斷國之典刑生敦信義死何
伶仃某誼屬戚里念茲靡寧維人皇恩詔空掩幽裔
執紼相餞聊竭此誠靈兮不昧歆格冥冥

祭何仲載文

嗚呼浮生瞬息人孰不亡公家骨肉相繼而傷壘兮
絕響篋兮不揚鸞兮遠逝鳳兮冥翔曾無踰歲惟此
四喪銘旌耀素壙草未黃蕭騷暮雨淒其秋霜旻天
不弔殲此柔良孱男弱女寂寞鄰莊聞者揮涕見者
痛腸某情聯姻婭遠莫登堂伶仃孤苦如何可忘唁
生慰死遺奠壺觴

祭唐太守槐軒文

惟公秀鍾閔閔別駕超遷符頒汝海望重三川廉兮
靡劇習兮攸偏蒞事以詳兮而下或蔽其美守官以
正兮而上不免於愆粵古嘗聞兮人浮於食乃今獨
恨兮壽嗇於天豈命途之多舛抑時世而則然嗚呼
非吾孰道非公孰賢非吾孰慟非公孰傳銘兮旅輿
酌兮靈筵伶仃載路孤寡同船

如或父違初志靈其鑒察嗚呼哀哉尚饗

宋天遣奠告詞

維正德庚辰十一月二十九日王尚綱張樂盛僎坐
母氏聶太安人於堂提男携女曳哀拂柩與安人周
子相別跽而進酒再拜致詞曰晦將發引朔乃安葬
禮宜今夕一言未訣嗚呼安人其直亡與蓋嘗思子
職分已盡心思已竭子女已成血氣已衰不亡何事
凡所以爲子惜者勞而未佚耕而未食爲子謀爾抑
孰知天地之大歲序有常鬼神之公禍福無與寧復

爲子恤邪嗚呼天地不仁鬼神少恩幸茲良人能不
爾負營建有祠徃即權厝俟子終業裹尸同藏凡茲
未死之年皆子同生之日也至子若孫殆難逆睹是
有所謂大而公者主之矣子其徃哉綵輿華棺親賓
祖餞前亭後洞冠蓋輝臨徃亦維嘉綱獨念夫乘鸞
旣遠故老凋殘民物孔艱行藏未卜抱茲苦辛托付
無所子如有靈徃愬上帝安人徃矣予復何言嗚
呼哀哉尚饗

王尚綱祭李伯翁文

惟公平山毓秀汝水鍾靈力終賦畝教本家庭庠序
賓筵三光列星鄉之武斷國之典刑生敦信義死何
伶仃某誼屬戚里念茲靡寧維人皇恩詔空掩幽局
執紼祖餞聊竭此誠靈兮不昧歆格冥冥

奈何仲載文

嗚呼浮生瞬息人孰不亡公家骨肉相繼而傷壙兮
絕響篋兮不揚鸞兮遠逝鳳兮冥翔曾無踰歲惟此
四喪銘旌耀素壙草未黃蕭騷暮雨淒其秋霜旻天
不弔殲此柔良孱男弱女寂寞鄰莊聞者揮涕見者
痛腸某情聯姻婭遠莫登堂伶仃孤苦如何可忘唁
生慰死遺奠壺觴

祭唐太守槐軒文

惟公秀鍾閔閔別駕超遷符頒汝海望重三川廉兮
靡劇習兮攸偏蒞事以詳兮而下或蔽其美守官以
正兮而上下不免於愆粵古嘗聞兮人浮於食乃今獨
恨兮壽嗇於天豈命途之多舛抑時世而則然嗚呼
非吾孰道非公孰賢非吾孰慟非公孰傳銘兮旅輿
酌兮靈筵伶仃載路孤寡同船

告靈澤王祠文

惟神文武之胄將相于唐崇勲茂著遺愛彌彰茅分
代衛廟食嵩行今網巡歷茲土遘疾維盲敢以心事
上質于王神如垂照其告彼蒼尚享

祭張憲副夫人文

惟靈夙稟淑質晚託齊眉風塵宦邸燈火書帷所以
承侍君子者將二十年于茲矣柔順承乾溫良戴冑
麟瑞挺生蘭芳並秀嘆徽音之四彰諒恩封之靡後
夫何天不俯佑而遽奪其壽也嗚呼魂旅飄蕭關山

修阻雲縹緲而歷嵩行煙微茫以望荆楚數日英靈
將安于故土矣某與憲臺叨厠僚友巡出河南適逢
歸柩一奠薄陳寂寥俎豆尚饗

祭宋公壽峰文

惟靈士林表儀鄉邦偉望湖海情高風雲氣壯柰何
天不愍遺嘉人爾喪某世累通家適逢祖葬長讀誄
詞曷勝感愴爰具菲儀聊伸此快

祭仲默文

嗚呼仲默君子之交死生乃見以行業不以詞章以

道義之內蘊非紛華之外飭是故屈抑於生前而顯揚於身後或剡剡於生前而落落於身後者行義有實故也詞華何與焉予於仲默締交布衣聞之天下矣聲氣相湏水火相就予方西行子乃請昏予既西歸始偕子議自是而雲泥相忤矣子之關陝過郊也論及宦情握指踊足慨焉嘗肯眷茲弱息付爾家器傍徨踟躕跡其垂死之情慨其平生之義則子所以於我者在此行實而不在彼詞華也孰曰非相知哉宿中關心愁雲墮淚顧予何人能子相負嘗疑軻之

論事卒諉曰天自夫吾力有不克致者乃始信其無遺論矣雖然予一日不死子可一日無憂今以吉月良辰荆釵裙布歸女信陽爰修棗栗敬薦祠墓守子遺業飼子遺孩即遣兒同往送命以醮詞焚奠墓所用畢子志子以此望我故其他不及英靈有知其我歆承嗚呼哀哉

祭先賢李愚菴文

嗚呼先生以我朝帝王之師高前古夷齊之行名重高皇禮勤微聘垂勳國史進講經筵著述闡性

理之淵存省造聖學之粹考平生之歷履闢宗社
之污隆網痛惟恩賁斬於生前追錄泯於身後誠
一代之闕典亦遺憾於千秋者也乃茲悲動鄉閭義
興里社躬披荆棘載植松楸喜祠墓之重輝異雲仍
之有豔庶後生薰德者仰重高山而裔世觀風者望
增喬木儻絲綸之渙發斯泉壤之能尋茲具菲儀聊
供祭掃惟靈有在鑒我精誠嗚呼哀哉尙饗

祭許都憲嵩川文

惟靈嵩河間氣甲第蜚聲颺歷中外執法臺端天下

想聞其風采也夫何旄頭肆電垣星晝隕謂天有意
於生民而有是哉嗚呼慟矣網情深察案義切通家
碩惟喪病乖隔有年爰即殯宮龕陳菲奠割鷄躍馬
適增宿草之悲伐木嗚弦載起停雲之慟靈兮如在
碩念壇盟

祭寅長王與山文

嗚呼與山關西豪雋備歷艱危網夙列同年復叨察
案十載睽違萬里蠻荒一晤弗起若乃網崎嶇戎行
未幾奔喪疾不及叩門葬不及執紼跼踖倚廬俯仰

幽明慟惜吾友贈處含情矣但如參商之慟也因風
一奠焉此哀衷哀不能文情斯篤至嗚呼與山已矣
哀其可盡哉

祭劉公洎張孺人文

於戲劉公醇直允厚於維孺人內則允副既光于前
克昌而後夙重鄉評遙傳華胄偕膺福祉駢登上壽
謚爾難名誅焉奚究黎杖齊眉彩輿並柩紫極迴鸞
少微賈宿風旌載揚僂游遠岫窈窕云襄匍匐莫覲
引緋伊誰荒廬孔疚綱誼辱通家喪臨靡佑祖祭式
敷典刑憶舊悲爾生芻淒其俎豆遣愚二子薄言往
侑靈兮有知鑿茲微陋

祭汝濱仲光文

昆弟一身死生大限惟予六士父母俱存隊游豚聚
墳麓相忘詎知爾樂旣失怙恃亦復子孫逆情百感
疇曰虞稔觀化返真乃兄先逝鴈序翔鳴禮宜隨仲
嗚呼幻世幾時一觴未盡靈兮有知來格冥冥

祭三叔考文

惟靈天錫壽考懋飭厥躬維耄耋鑠鑠維業朴忠維辛

稼穡維行昭融瞿瞿僊僊樹蔭鬱葱冠我帶博帝
德忻懽箕裘紹美篋笥載隆徜徉雲谷容與令終曩
游華嶽夢寐感通詎意永訣悲愴曷窮嗟嗟浮世飄
如飛蓬蕭瑟原野淒其回風窅窅歸紉新阡殞宮臨
郭枕礪鄉汝背嵩爰祔先妣合窆此中牛眠馬鬣萬
祀悠同式敷明薦蘋藻靡豐靈兮鑒格庶慰余衷

祭陶明府繼母文

維靈秀出名區光騰遠發調續水弦蚤作乘龍之配
恩懷桂玉式登附鳳之元碩厲志於牛刀諒甘心於

祿養柰河棠陰遺愛而隕落自天萱背含哀而攀號
無地念紉孤吟野伏弱羽林棲雞黍登堂曾託龍門
之拜鶴琴促席敢忘國士之逢望旅觀於扁舟悵銘
旌於萬里淒風暮雨聲迴楚客之騷日照月沉痛斷
儂郎之夢祖奠聊陳靈其來格

祭開州王太安人牛氏文

經於尚綱同姓兄也綱妻於太安人異姓女也生兮
以於死兮誅誌聞海宇格幽明矣兄於不肖志學營
道惟孝與忠萬世斯盟柰何動罹時藉文猶罔究顛

署乘龍奕世清風歸魯水之華吹燠吹箎伯兄其美
鼓琴鼓瑟爾室維嘉柰何命舛良人儵荒臺而起風
信孤王母乃萃野以鳴麇渺渺維雲兮珠沉鶴夢瀟
瀟維月兮魂返僊花舞殘天上之麟兒訝傳薤露歡
失竹根之稚子泣斷流霞伏念綱世忝戚姻誼當執
紉病聞走訃徒仰靈槎一奠聊陳適效衛風之吊唁
片言永訣曷勝楚客之哀些嗚呼已矣嗚呼嗟哉

蒼谷集錄卷之十二終

附錄

求集錄序文狀

蒼谷先君學本諸心篤于爲己期于至道孳孳
窮理垂老不倦同過庭嘗聞訓曰天之生人也
賦以形氣全以性命而其心則妙以虛靈學焉
而反求其本心則聖同天今同古心同道斯其
庶乎惟肖無忝力本踐實旦夕弗斃究極精微
折衷諸說發明六籍遠詞奧旨一一精切訓言
在耳生平不輕著言意蓋有待同亦不復劄記

亦意將來之日長也。詐意爲萬季之長恨哉。乃今簿書倥傯學就荒廢。俛焉俗吏想像瀆瀆徒在心息。莫能著述先君心得之學。一無所傳於世。罪始終天。舊集詩文彙錄成冊。皆不得已而應酬。固非屑屑於是焉者。慨生也。泯言晦行不求人知。而我後死者乃欲以是求知於世。不其罪與。先君官至二品。清苦猶夫寒士。棄官養親。林泉廿載。褐衣簞食。處之裕如。一切利害毀譽舉不足以動其心。居常雖揮椀楮筆之微區別。有恒一物。一時不或淆亂。一言一動不或踰矩。獨詩文裁茲彙類存立。

朝建議蔚乎忠貞。或宦歷覽勝樂乎情況。及退娛衡澗。曼乎志節見于贈遺。出于閒搆。感于風物。各有著作。率不留彙。願同幼季。固知慎重。媮謾多遺。僅存什一。且復孃孃。跋盃窮屈。廿有三載。祿不逮養。風木抱恨。擗踊幾絕。授官後囊橐與俱。今承乏隨州。齒苒五十。竊恐影隨腐州。先茔有而不傳。罪不甚與。粵惟庸哲。卒父書者必良史。

之才而叙經世者則家學之舊不肖聞訓罔承
夙夜惟愧嘗以是錄呈

龍湫翁曰吾於蒼谷遺義懿交選所輯者平生往
來詩文為多今併入所收或素所傳錄天下有
遺者忘言取義自得蒼谷之心於聲跡之表矣
追痾遺範日遠莊誦是集心每凜若耿耿服膺
懇祈
名翰闡茲幽潛庶昭裔世云

嘉靖辛亥孟夏月望日不肖男王同稽首謹狀

對讀集錄識

祖考是集類皆應酬詩文自茲仕司馬轉官天
曹勳垂兩部事我

孝宗

武宗以及

聖皇忠著

三朝宦游秦魯以歷川蜀吳越旬宣四省乞養我

高祖妣太君

曾祖妣太安人懽承重闈家居廿載壽父彙集

詩文洎仲叔季叔登卷成快

龍湫翁所選者一千七十首其未登於是集者

詩六百晉文三百二十二首散藏家笥尙有待

焉盛知自知章句以來聞是集也夫而造化之

所宗精微而事物之蘊顯而世情之變秘而性靈之

真闡幽述志紀事摹訓膚思揮翰感於情寓於

美刺形於議論聲律者貫綴理道靡事雕琢殆

猶竒葩妙出天成曩傳藝苑而

祖考則固未嘗刻意於是也盛卿猶記觀年日

與伯兄狀卿隊侍膝前詎知填莞南皋戲綠日

親授讀詎知爾樂乃今追慕無任盡心檢茲遺

錄手澤尙新與第思卿對讀正譌深愧庸愚莫

能仰承遐軌寤寐永如對越昕夕壘壘羨塙尙

冀見哉不肖第二孫盛卿稽顙謹識

恩卿痛未逮事

祖考嘗聞之矣瑰瑋謙約裏誠履方眎高寒室

樂誨後進乞養林下搜竒選勝蒼苔扈欄徜徉

山水結茆亭榭每覽遺跡

祖考如在仕歷中外馳騁歲月談治述騷凡經
品題如集中者風猷宛然每誦遺錄

祖考如見非聖人之道不得以干其思辭義如
經萃然上古光豔程法存于無窮每思遺範

祖考如生碩彙有字或剗滅并謬與仲兄盛
研證就真尤我續齋因言以求其蘊籍考迹以
會其心神推類以究其餘烈當思所以無忝
不肖第三孫思卿稽顙謹識

